

Ժողովուրդ

38
(2888)

20 մարտի չորեքշաբթի 2024
տպագրության ԺԳ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ՀՀ ԱԿԱԴԵՄԻԱԿԱՆ ԿՐԹՈՒԹՅՈՒՆԸ՝ ՀԱՐՑԱԿԱՆՆԻ ՏԱԿ



ՀՀ վարչապետ Նիկոլ Փաշինյանը մարտի 16-ին Դիլիջանում Տևտեսական քաղաքականության խորհրդի նիստում հայտարարեց. «Եթե մենք բուհերը հավատարմագրենք միջազգային ստանդարտներով, ոչ մի բուհ հավատարմագրում չի ստանա»: Բանն այն է, որ մարտի 7-ին Երևանի պետական բժշկական համալսարանին հանձնվել է միջազգային հավատարմագրման հավաստագիր, իսկ ՀՀ պետական տնտեսագիտական համալսարանի որոշ ֆակուլտետներ փորձեր են անում դիմել եւ ստանալ միջազգային հավատարմագրում: Այս իրավիճակում ստացվում է, որ Նիկոլ Փաշինյանը հարցականի տակ է դնում հայկական բուհերի որակական հատկանիշները, այսինքն՝ Հայաստանում բուհերի մակարդակն այնքան ցածր է, որ միջազգային հավատարմագրման շեմը չեն հարթահարի: ՀՀ ակադեմիական կրթությունը հարցականի տակ դրած վարչապետի կողքին նստած էր ՀՀ կրթության, գիտության, մշակույթի եւ սպորտի նախարար Ժաննա Անդրեասյանը, որն այս հայտարարությունների ընթացքում ոչ մի ձայն չհանեց, մինչդեռ հենց նրա ներկայությամբ էր ՀՀ ԵՊԲՀ-ն օրեր առաջ արժանացել միջազգային հավատարմագրման, շատ բուհեր էլ այդ ճանապարհին են: Հիշեցնենք, որ նույն այդ միջոցառման ընթացքում նախարարը նշել էր. «Շատ կարեւոր է այս աշխատանքը նաեւ գնահատել, կարեւոր է ստանալ աշխատանքի գնահատականն այն հավաստագրի տեսքով, որն այսօր փոխանցվեց»: Նախարարը շնորհավորեց համալսարանականներին, սակայն ՀՀ վարչապետին չհուշեց, որ չարտաբերի նման ամոթալի մտքեր: Ըստ երեսույթին, նախարարը լռում էր, որ ցնցուղի պատմության պես մի նոր սկանդալ իր շուրջը չհասունանա: Հավելենք նաեւ, որ Ժաննա Անդրեասյանի ղեկավարած ոլորտը աստիճանաբար քառուսի է վերածվում: Բանն այն է, որ կրթության ռազմավարության միջազգային ծրագրով սահմանված է աշխարհի 500 թոփ համալսարանների շարքում 5 հայկական բուհ պետք է ունենա Հայաստանը: Խնդիրը նրանում է, որ նախորդ տարիներին 1000 թոփ բուհերի շարքում ՀՀ-ն ունեցել է 2 բուհ՝ Երևանի պետական համալսարանը եւ Հայ-ռուսական (սլավոնական) համալսարանը: 2023 թվականին Հայ-ռուսական (սլավոնական) համալսարանը դուրս է եկել այդ բուհերի շարքից, իսկ ԵՊԲՀ-ն զիջել է տեղը այլ համալսարանների՝ զբաղեցնելով 1081-րդ հորիզոնականը: Թե ինչպես է ԿԳՄՍ նախարար Ժաննա Անդրեասյանը պատրաստվում 6 տարվա ընթացքում ունենալ 5 թոփ բուհ աշխարհի մակարդակով, երբ պատկերն այսպիսին է, իսկ ՀՀ վարչապետն էլ ակադեմիական կրթությունը բավարար որակյալ չի համարում, խիստ կասկածահարույց է:

Նիկոլ Փաշինյանը կրկին անհարմար դրության մեջ է դրել իր թիմակիցներին. ԶԳՄ-ականները չգիտեն՝ ինչ խոսել: Բանն այն է, որ Նիկոլ Փաշինյանի՝ Տավուշում արված վերջին հայտարարություններից հետո ԶԳՄ-ականները փակուղում են հայտնվել, չգիտեն ինչ խոսել, ինչպես մեկնաբանել իրենց ղեկավարի հերթական աղմկահարույց հայտարարությունները: Չնայած իշխանությունները մինչ այս ամեն կերպ հերքում էին, թե Հայաստանը նոր տարածքներ է հանձնելու, ու վստահեցնում էին, որ նոր զիջումներ չեն լինելու, բայց երկուշաբթի օրը Նիկոլ Փաշինյանը Տավուշ կատարած այցի ժամանակ հաստատեց, որ սահմանազատում է սահմանազածում է իրականացվելու Տավուշում: «Մենք տեսնում ենք, որ սահմանազատման եւ սահմանազածման գործընթաց սկսվելու իրական հնարավորությունը կարող ենք իրականացնել Բաղանիսից Բերքաբեր ընկած հատվածում», - նշել էր նա: Ավելին՝ ինչպես լրատվամիջոցների հետ զրույցում հանդիպման մասնակից քաղաքացիներն էին «գողտկարեցին», Փաշինյանը հերթական անգամ վախեցրել է տեղացիներին, թե եթե զիջումների չգնանք, Ադրբեջանը նոր պատերազմ է սկսելու: Իհարկե, բնակիչները խայտառակ վատ են խոսել Փաշինյանի հետ, իրենց խոսքերով՝ «ցեխն են թաթախել ու հանել»: «Ժողովուրդ» օրաթերթը տեղեկացավ, որ, իհարկե, դռնփակ նիստերից մեկի ժամանակ Փաշինյանը թիմակիցներին ասել է, որ պետք է աշխատեն մարդկանց հետ եւ բացատրեն, որ սահմանազատումը ենթադրելու է որոշ տարածքների հանձնում, բայց, ամեն դեպքում, ԶԳՄ թիմում միայն հաշված թվով մարդիկ են տիրապետում իրական վիճակին: Սրա մասին վկայում է նաեւ իշխանական պատգամավորների խոճապահար պահվածքը. երբ լրագրողները նրանց մոտենում եւ մեկնաբանություն էին ցանկանում Նիկոլ Փաշինյանի այս հայտարարությունների վերաբերյալ, նրանք, մեղմ ասած, փախչում էին, որպեսզի խուսափեն իրենց ուղղված հարցերին պատասխանելուց: Նրանք բոլորը հավաքական իմաստով ոչ միայն պատասխանատու են այս իրավիճակի համար, այլեւ ուղղակի երկրի հանձնման գործընթացին մասնակից են՝ անկախ իրենց ինստիտուցիաներից:



Նիկոլ Փաշինյանի՝ Տավուշ վերջին այցն իրականում մեկ նպատակ է հետապնդել՝ վախեցնել մարզի բնակիչներին ու պատերազմի սպառնալիքի ներքո նոր զիջումների պատրաստել քաղաքացիներին: «Ժողովուրդ» օրաթերթին հայտնի դարձավ, որ երկուշաբթի օրը Փաշինյանի՝ Տավուշ այցից հետո, մարզում խոճապահի տրամադրություններ են առաջացել: Բանն այն է, որ Փաշինյանը քաղաքացիներին վախեցրել է՝ եթե Ադրբեջանի պահանջած գյուղերը չտանք, ապա Ադրբեջանը Ռսկեպարի կողմից է հարձակվելու Հայաստանի վրա, Թուրքիան՝ Արմավիրի: Ասել է նաեւ, թե մեր բանակը ունակ չէ պայքարելու թուրքական բանակի դեմ, այսինքն՝ Փաշինյանի ասածն այն է, որ պետք է կատարենք թշնամու բոլոր ցանկությունները, որպեսզի պատերազմ չլինի: Իսկ թե դա արդյունքում հայրենիքի մնացորդից էլ ինչ կմնա, պարզ չէ: Ահա այս հայտարարությունները լուրջ անհանգստություններ են առաջացրել տեղացիների մոտ: Այսինքն՝ ստացվում է՝ Նիկոլ Փաշինյանը ծրագրված գնացել է Տավուշ, որպեսզի կոտորի ու թեաթափ անի քաղաքացիներին, ու այնպիսի հայտարարություններ է արել, որ նրանք նոր պատերազմի սպառնալիքի ներքո համաձայն են նոր զիջումներին, ու բողոքի այլը չբարձրանա: Ողջ նպատակն այն է, որ մարդիկ չբողոքեն, հանրահավաքներ չանեն, եւ իր իշխանությունը չէրերա:



«Ժողովուրդ» օրաթերթը դիմել էր ՀՀ գլխավոր դատախազ Աննա Վարդապետյանին եւ կոնկրետ հարցադրումներ էր արել: Մասնավորապես, 2024 թվականի փետրվարի 12-ին սեփական նախաձեռնությամբ փոխել էին Աժ նախագահ Ալեն Սիմոնյանի եղբոր կնոջ՝ Անի Գեորգյանի նկատմամբ կիրառված խափանման միջոց կալանքը: Ինդրել ենք հայտնել, թե այլ քրեական վարույթներով քանի նմանօրինակ մարդասիրական քայլ են դրսեւորել եւ սեփական նախաձեռնությամբ խափանման միջոց փոխել. «1. Եթե կան նման նախադեպեր, կիսնդրեմ ներկայացնել օրինակները: 2. Իսկ եթե չկան նախադեպեր, ինդրում եմ հայտնել, թե ինչու ձեր մարդասիրությունը արթնացավ հենց պետական բարձր պաշտոն զբաղեցնող Աժ նախագահի մեծ ընտանիքի անդամի քրեական վարույթով»: Ի պատասխան «Ժողովուրդ» օրաթերթի հարցադրումների՝ ՀՀ գլխավոր դատախազությունից տեղեկացրել են, որ 2018-2023 թվականների ընթացքում իրավաւոր դատախազների կողմից սեփական նախաձեռնությամբ կայացվել է որպես խափանման միջոց ընտրված կալանքը վերացնելու մասին 429 որոշում, որից 147-ը՝ 2018 թվականին, 137-ը՝ 2019 թվականին, 73-ը՝ 2020 թվականին, 14-ը՝ 2021 թվականին, 18-ը՝ 2022 թվականին, 40-ը՝ 2023 թվականին: Իհարկե, Աննա Վարդապետյանին ուղղված հարցադրումների պատասխանում չկա խոսք այն մասին, թե անձամբ Աննա Վարդապետյանը քանի հոգու նկատմամբ է մարդասիրություն դրսեւորել, եւ քանիսն են կալանքից ազատվել: Վիճակագրությունը, որ ներկայացվել է, խիստ մտահոգիչ է, քանի որ 2018 թվականին եղել է 147 կալանքից ազատում, 2023-ին՝ 40:



ԶՐՈՒՅՑ

«ԴՊՐՈՅԸ ՓԱԿԵԼ ԵՆՑԱՆԱԿՈՒՄ Է ԳՅՈՒՂԸ ՓԱԿԵԼ»

ԿԳՄՍ նախարարությունը դարբերաբար կրթության ռազմավարության վերաբերյալ մշակած նոր ոլորտներ է ներկայացնում: ArmLur.am-ը գրուցել է ՀՀ ԿԳՄՍ նախկին նախարար, այժմ ՀՀ նախագահի խորհրդական Վահրամ Դումանյանի հետ, քննարկել ենք ԿԳՄՍ նախարարության կողմից հանրակրթության ոլորտի խնդիրների և բարեփոխումների մասին հարցերը:

Վահրամ Դումանյանը ArmLur.am-ի հետ զրույցում նշել է, որ համաձայն չէ այն նախագծի հետ, որի շրջանակներում գյուղական դպրոցների ազատ հաստիքներում ուսուցիչների պետք է փոխարինեն համալսարանի վերջին կուրսի ուսանողները: 33 նախագահի խորհրդականը պնդում է, որ հանրակրթության ոլորտը հոգատարության կարիք ունի, ինչպես երեխան:

«Դարձնում Դումանյան, նշեցիք, որ կրթության ռազմավարությունում կան կանոններ գյուղական դպրոցների վերաբերյալ, նշեցիք, որ գյուղական դպրոցներ չկան, սակայն մտցվել է այդ տերմինը հանրակրթության ոլորտում: Ի՞նչ խնդիրներ են առաջ գալիս:

«Բուհական համակարգը համեմատաբար ինքնուրույն է, հանրակրթությունը՝ հակառակը, այն ավելի խնամքի կարիք ունի: Դպրոցները շատ են քանակով, 1300-1400 դպրոց ունենք, բայց բովանդակությունը, մեծ հաշվով, նույնն է. բոլորը դպրոց են: Բուհերը մի քանիսն են, բայց ներսում բազմաբովանդակ են՝ տարբեր մասնագիտություններով, այսինքն՝ բովանդակությունն է բարդ: Դպրոցի քանակը շատ է, բովանդակությունը՝ հստակ: Մեր ռազմավարությամբ՝ դպրոցը դպրոց է. գյուղական, քաղաքային տարբերակով չունենք, եւ հասանելի պիտի լինի որակյալ կրթությունը բոլորին: Սա մեր սկզբունքային կետն է, բայց ինչքան էլ մենք սկզբունքային սահմանենք մեր թիրախը, այն իրականությունն է չի դառնա, եթե մենք չապահովենք դրա գործողությունը: Մենք գիտենք՝ մարզերում, սահմանամերձ շրջաններում դպրոցները չենք կարող համեմատել այստեղի Ֆիզմաթ դպրոցի կամ այլ դպրոցների հետ. մենք միջին մակարդակը այսօր չենք կարողանում ապահովել:



վել: Այդ թիրախին մենք պիտի հասնենք՝ կիրառելով ժամանակակից տեխնոլոգիաները. այլ լուծում չկա: Դպրոցը իրավունք չունենք փակելու, դպրոցը փակել նշանակում է գյուղը փակել. չի կարելի: Դպրոցի գոյությունը ռազմավարական, քաղաքական խորը իմաստ ունի մեզ համար: Նույնիսկ երբ համակազմով միացնում ենք դասարանները, այդ պայմաններում մենք դպրոցը պիտի պահենք, բայց պիտի բովանդակություն էլ հաղորդենք դպրոցին. ուսուցիչն է տալիս այդ բովանդակությունը: Մենք օբյեկտիվորեն ունենք խնդիր ուսուցիչների: Երկու խնդիր կա՝ որակի եւ քանակի, այսինքն՝ կա ուսուցիչ, բայց կարծես մենք կուզենք՝ նա ավելի լավ որակներով մտնել դասարան, եւ կա, որ ուղղակի ուսուցիչ չկա: Ժամանակակից տեխնոլոգիաների կիրառումը. աշխարհն այսօր շատ նվաճումներ ունի այդ

ասպարեզում: Նախ՝ մենք Քոլիդի ժամանակ ենք օգտվել հեռավար ուսուցման հնարավորությունից. երկու խնդիր կա՝ կրթության կազմակերպում եւ կրթության բովանդակություն: Կազմակերպումը տեխնոլոգիաների միջոցով բարդ բան չէ, բոլոր մեր դպրոցներում կա ինտերնետ: Մենք ունենք թոփ ուսուցիչներ, որոնք կարող են հեռավար դասավանդել: Երկրորդ՝ հայտնի ընկերություններն ունեն հարթակներ կրթության կազմակերպման, մասնավորապես՝ «Գուգլ»-ը ունի, եւ ես որքան տեղյակ եմ, մեր առաջատար SS ընկերություններից մեկը առաջարկ է ներկայացրել մեր երկրին անվճար տրամադրել այդ «Գուգլ»-ի հարթակը: Ամեն ինչ միանգամից հնարավոր չէ, բայց սա է ուղղությունը. այլ ճանապարհ չկա: **Ջրուցեց էՍՍԱ ՄԻՔԱՅԵԼՅԱՆԸ**



ՍԹԱՓԵՑՆՈՂ ՀԻՇԵՑՈՒՄ Է

ՆԱՏՕ-ի գլխավոր քարտուղար Յենս Ստոլտենբերգն անդրադարձել է ռուս-ուկրաինական պատերազմին: Ստոլտենբերգը թեմային անդրադարձավ Երեւանում Հայաստանի Հանրապետության վարչապետ Նիկոլ Փաշինյանի հետ հանդիպումից հետո՝ հայտարարության ժամանակ: «Ուկրաինայում Ռուսաստանի պատերազմը սթափեցնող հիշեցում է, որ չենք կարող խաղաղությունը չգնահատել: Ես ողջունում եմ ձեր համերաշխությունն Ուկրաինայի հետ եւ բոլոր գործընկերներին կոչ անում անել իրենցից կախված ամեն ինչ, որ Պուտինը չհաղթի իր պատերազմում», -ասաց նա: Ստոլտենբերգը հավելեց՝ մարտահաշտում իրավիճակը մնում է ծանր, այդ պատճառով էլ պետք է ոչ թե պակասեցնել, այլ ավելացնել աջակցությունն Ուկրաինային: «Եթե Պուտինը Ուկրաինայում հաջողության հասնի, իրական ռիսկ կա, որ նրա ագրեսիան այնտեղ կանգ չի առնի, եւ ավտորիտար այլ սուբյեկտները կոգեշնչվեն դրանից», -ասաց ՆԱՏՕ-ի գլխավոր քարտուղարը:

ԿԼՈՐ ՄԵՂԱՆ-ՔՆՆԱՐԿՈՒՄ

Բելգիայի Սենատում մարտի 25-ին տեղի կունենա «Աշխարհաքաղաքական զարգացումները Հարավային Կովկասում. կիզակետում Հայաստանը եւ Լեռնային Ղարաբաղը» խորագրով կլոր սեղան- քննարկում, որի նպատակն է վերլուծել Հարավային Կովկասում աշխարհաքաղաքական զարգացումները 2020 թվականի սեպտեմբերից ի վեր, այս համատեքստում Լեռնային Ղարաբաղի հակամարտությունը եւ Հայաստանի Հանրապետության առջեւ ծառայած մարտահրավերները: Բրյուսելում կլոր սեղանի գլխավոր բանախոսներն են լինելու Բելգիայի դաշնային խորհրդարանի արտաքին հարաբերությունների հանձնախմբի նախագահ Էլս Վան Յուֆը, միջազգային բանակցությունների վերլուծաբան, Clingendael ինստիտուտի համահիմնադիր Փոլ Մերթսը, գրող, դիվանագետ Օլիվյե Վեբերը եւ Լեռնային Ղարաբաղի մարդու իրավունքների պաշտպան Գեղամ Ստեփանյանը: Բանախոսները լույս կսփռեն տարածաշրջանում զարգացումների վրա՝ միջազգային, մարդու իրավունքների տեսանկյունից, կվերլուծեն միջազգային հանրության արձագանքը, մասնավորապես՝ Եվրամիության դերը: Քննարկման մասնակիցները կխոսեն նաեւ ապագայի հեռանկարների, առկա իրավիճակից ելքերի եւ անհրաժեշտ հստակ քայլերի մասին, որոնք պետք է ձեռնարկվեն՝ պաշտպանելու Լեռնային Ղարաբաղի եւ արցախահայության անքակտելի իրավունքները:

«ԶՐՈՅԱՑՆԵՆՔ ՎԱՐԿԵՐԸ»

ՆԻԿՈՒ ՓԱՇԻՆՅԱՆԸ ԽԱՐԵԼ Է

2018 թվականի ապրիլի 15-ին Հանրապետության հրադարակում ունեցած երկրորդ ժամանակ Նիկոլ Փաշինյանը հայտարարեց.

«Այսօր 33 քաղաքացիները գտնվում են գերության մեջ: Այսօր 33 տասնյակ, եթե ոչ հարյուր հազարավոր քաղաքացիներ բառի բուն իմաստով գրկվում են բանկային ժամկետանց տոկոսների տակ: Մենք կարծում ենք, որ միանշանակ եւ աներկբա պետք է զրոյացնել բոլոր ժամկետանց տուգանքները բոլոր սպառողական եւ գյուղատնտեսական վարկերը: Առանց բացառության բոլոր»: «Ժողովուրդ» օրաթերթը ուսումնասիրեց իրավիճակը եւ չգտավ որեւէ դեպք, երբ Նիկոլ Փաշինյանի իշխանությունը որեւէ քաղաքացու ազատել է գերությունից: Ավելին՝ 2020 թվականի մայիսի 25-ին 33 Ազգային ժողովում հարց ուղղվեց Նիկոլ Փաշինյանին վարկային արձակուրդի հանրությանը տրամադրելու համար, քանի որ կորոնավիրուսով պայմանավորված սահմանափակում



ների պարագայում մարդիկ չեն աշխատում, որ վարկերը վճարեն, հայտնվել են դժվար իրադրության մեջ: ԲՀԿ խմբակցության պատգամավորը Փաշինյանին կոչ արեց որոշում կայացնել վարկային արձակուրդ տրամադրել, տոկոսների սառեցում, չեզոքացում, քանի որ կան 500 հազար սպառողական վարկեր, որոնք մարդիկ չեն կարողանում վճարել: Նիկոլ Փաշինյանը պատասխանեց. «Ուղիղ ասեմ՝ դեմ եմ նման որոշումներին: Հեշտ է ասելը՝ եկե՛ք ազատենք, հարկերից ազատենք, վարկերից ազատենք, սևուկ բաժանենք, կոմունալները չվերցնենք: Հեշտ է ասում, տեղ ասելով չէ: Պետք է խոսքի արժեքին էլ հետևել: Նստում, ասում են՝ հարկերը թողե՛ք, վարկերը թողե՛ք, եւ օգնե՛ք. ձե՛ռ էք առնում: Նենց տպավորություն է, որ դուք բաժանողն եք, մենք էլ թույլ չենք տալիս: Ես դեմ եմ նման բաների: Գնացե՛ք ձեր շրջապատի, միջավայրի հարստությունը բաժանե՛ք մարդկանց վաքշե, հերիք ա՛»: **ՍՈՆԱ ԳՐԻԳՈՐՅԱՆ**

ԻՐԱՎԻՃԱԿ

ՀԱՆՐԱՊԵՏՈՒՄ

ԱԿՆԿԱԼՈՒՄ Է ՆԱՏՕ-Ի ԱՋԱԿՑՈՒԹՅՈՒՆԸ

ՈՐ ՔԱՐՏԵԶՆԵՐՈՎ

Շատ կարեւոր է Հայաստանի եւ Ադրբեջանի կողմից որոշում կայացնելը, թե որ քարտեզներով են առաջնորդվում սահմանազատման գործընթացի համար:

Լրագրողների հետ զրույցում այս մասին ասաց Ազգային ժողովի «Քաղաքացիական պայմանագիր» խմբակցության պատգամավոր Արսեն Թորոսյանը:

Թորոսյանը նախ կարեւորեց սահմանազատման գործընթացը սկսելը: Նրա կարծիքով՝ Հայաստանի շահերից է բխում այն սկսելը:

«Ի վերջո, ո՞ր քարտեզներով ենք անելու սահմանազատումը. մեզ համար դա շատ կարեւոր է սկզբունքային հանգամանք է: Եվ բանակցությունների ընթացքում բազմիցս հայտարարվել է, որ շատ կարեւոր է երկկողմանի որոշում կայացնել, թե որ քարտեզներով ենք առաջնորդվում: Եվ այդ որոշումը տրամաբանորեն պետք է նշանակի, որ եթե մի հատվածում իրականացնում ենք սահմանազատում, օրինակ, 1974 թվականի քարտեզով, նշանակում է, որ մյուս հատվածներում էլ պետք է իրականացվի այդ քարտեզով», - ասաց Թորոսյանը:

Նա շեշտեց՝ ԽՍՀՄ նախկին հանրապետությունները, միանալով Ալմաթիի հռչակագրին, ճանաչել են իրենց սովետական վարչական տարածքները որպես պետական սահմաններ, եւ դրա հիման վրա պետք է կատարվի սահմանազատում ու սահմանազատումը: Դա չի նշանակում նոր սահմանի ստեղծում, դա փաստացի եղած սահմանի իրավական ամրագրումը պետք է լինի:

«Որեւէ վարչական բնակավայր, որեւէ տարածք, որ Սովետական Հայաստանի սահմաններում է եղել, մենք որեւէ կերպ չենք պատրաստվում որեւէ երկրի տալ: Իսկ թե սահմանը զծման կամ իրավական ամրագրման ընթացքում կանցնի որեւէ տարածքով, որն այս պահին այս կամ այն կողմի տիրապետության տակ է, պետք է փոխադարձաբար երկու կողմերի միջեւ պայմանավորվածությամբ վերադարձվի այս կամ այն կողմին», - ասաց պատգամավորը:

Թորոսյանը շատ կարեւորեց, որ ի սկզբանե պայմանավորվածություններ ձեռք բերվեն, թե որ քարտեզներով են կողմերն առաջնորդվում: Նա նման պայմանավորվածություն ձեռք բերելու հնարավորություն տեսնում է: «Ցավոք սրտի, մինչեւ օրս այդ պայմանավորվածությունը ձեռք չի բերվել հիմնականում Ադրբեջանի ապակառուցողական դիրքորոշման պատճառով: Նրանք խուսափել են քարտեզների վերաբերյալ խոսակցությանը վերջնական պատասխան տալուց: Եվ եթե այս գործընթացը թույլ կտա մեզ պայմանավորվել քարտեզների մասին, որոնք ապագայում պետք է դառնան հայ-ադրբեջանական սահմանի սահմանազատման ու սահմանազոման հիմքը, դա մեզ համար կարեւոր է, մեր շահերից է բխում», - նշեց նա:

Հայաստանի Հանրապետության վարչապետ Նիկոլ Փաշինյանը նշում է, որ ՀՀ-ն ակնկալում է միջազգային հանրության, այդ թվում՝ ՆԱՏՕ-ի հաստատված աջակցությունը Հայաստանի եւ Ադրբեջանի միջեւ խաղաղության գործընթացին՝ հայցնել եւ երկուստեք համաձայնեցված սկզբունքների հիման վրա:

Փաշինյանն այս մասին ասել է ՆԱՏՕ-ի գլխավոր քարտուղար Յենս Ստոլտենբերգի հետ կայացած ճեպագրույցի ընթացքում:

Վարչապետ Փաշինյանը եւս մեկ անգամ հայտնեց Հարավային Կովկասում կայունություն հաստատելու՝ Հայաստանի Հանրապետության կառավարության տեսլականը եւ մտեցումները:

«Վերահաստատում եմ բազմիցս հնչեցրած պատրաստակամությունը՝ կարգավորելու Ադրբեջանի հետ հարաբերությունները՝ բարձրագույն մակարդակում ձեռք բերված 3 սկզբունքների հիման վրա՝ միմյանց տարածքային ամբողջականության ճանաչում՝ Ալմա-Աթայի հռչակագրի հիման վրա, համաձայն Ալմա-Աթայի հռչակագրի՝ Հայաստան-Ադրբեջան միջպետական սահմանի սահմանազատում վերականգնելու համար 1991 թվականի ԽՍՀՄ փլուզման պահին գոյություն ունեցած սահմանը երկու հանրապետությունների միջեւ, ինչպես նաեւ տարածաշրջանային ենթակառուցվածքների ապաշրջանակումը՝ դրանց անցման երկրների ինքնիշխանության եւ իրավագործության հարգմամբ, հավասարության եւ փոխադարձության սկզբունքների հիման վրա», - ասաց Փաշինյանը՝ հավելելով, որ այս առնչությամբ ՆԱՏՕ-ի գլխավոր քարտուղարին է ներկայացվել նաեւ թեմայի վերաբերյալ ՀՀ պատկերացումներն ամբողջացնող «Խաղաղության խաչմերուկ» նախագիծը:

Նիկոլ Փաշինյանը Գլխավոր քարտուղարին է ներկայացրել նաեւ սահմանային



իրադրության հանդարտեցման համար հայկական կողմի բազմաթիվ առաջարկներն Ադրբեջանին:

«Խոսքը 1991 թվականի Հայաստան-Ադրբեջան սահմանագծից զորքերի հայելային հետքաշման, սպառազինությունների փոխադարձ վերահսկման, չհարձակվելու մասին պայմանագրի ստորագրման առաջարկների մասին է, որոնք մինչեւ օրս դրական արձագանք չեն ստացել պաշտոնական բազմիցս», - ընդգծեց նա:

Վարչապետը Փաշինյանը նշեց, որ հայկական կողմը հավատարիմ է նաեւ Թուրքիայի հետ հարաբերությունների կարգավորման օրակարգին՝ հավելելով, որ Թուրքիայի հետ դեռեւս 2022 թվականին ձեռք

բերված եւ հետագայում վերահաստատված պայմանավորվածությունների իրագործումը կարող է դրականորեն ազդել հարավկովկասյան տարածաշրջանում կայունության հաստատման վրա:

Յենս Ստոլտենբերգի հետ հանդիպման ընթացքում անդրադարձ է կատարվել նաեւ ՀՀ զինված ուժերի բարեփոխումների օրակարգին:

«Ունգծել եմ, որ այս գործընթացն ուղղված չէ որեւէ պետության դեմ եւ միտված է բարձրացնել Հայաստանի զինված ուժերի պաշտպանական կարողությունները՝ ապահովելու համար Հայաստանի տարածքային ամբողջականությունը, - եզրափակեց վարչապետը:

ՕՐՎԱ ԽՃԱՆԿԱՐ ԸՆԴՈՒՄՆԵՆ Է

Մարտի 19-ին Տավուշի մարզպետ Հայկ Ղալումյանն ընդունել է Հայաստանում Չինաստանի արտակարգ եւ լիազոր դեսպան Ն.Գ. Ֆան Յոնգին:

Հանդիպմանը ներկա են եղել նաեւ Տավուշի մարզպետի տեղակալ Նարեկ Ղուշյանը, Իջեան համայնքի ղեկավար Արթուր Ճաղարյանը, Տավուշի մարզպետի աշխատակազմի կրթության, մշակույթի եւ սպորտի վարչության պետ Մերուժան Հարությունյանը:

Հանդիպման ընթացքում մարզպետը դեսպանին ներկայացրել է հնարավոր համագործակցության ուղղությունները, ինչպես նաեւ համատեղ ծրագրերի իրականացման հնարավորությունները: Քննարկվել են նաեւ Տավուշի մարզում կրթության ոլորտի, գյուղատնտեսության, զբոսաշրջության զարգացմանն ուղղված հարցեր:

Դեսպանն իր խոսքում վստահեցրել է, որ այս ոլորտների զարգացումն արդյունավետ կլինի, որովհետեւ Տավուշի մարզը զարգացման մեծ հնարավորություններ ունի:

Դեսպան Ն.Գ. Ֆան Յոնգը շնորհակալություն է հայտնել ընդունելության համար, նշել, որ ուրախ է կրկին այցելել Տավուշի մարզ:

Հանդիպման ավարտին ներկաները միմյանց են հանձնել հուշանվեր՝ ի նշան բարեկամության, որից հետո այցելեցին

Վազաշենի եւ Ենոքավանի դպրոցներ, որտեղ Չինաստանի դեսպանատան աջակցությամբ իրականացվել են մի շարք ծրագրեր:

ՀԱՄԱԼՐՈՒՄ Է ԻՐ ԹԻՄԸ

Ընդդիմությունը, որը 2018 թվականից հետո պարբերաբար ընդվզումներ է ցուցաբերում ներկայիս իշխանությունների դեմ, համալրում է իր թիմը:

Ընդդիմադիր պայքարը թեւակոխում է ապակենտրոն փուլ, որտեղ ի հայտ են գալիս տարատեսակ ակտիվիստների կողմից հիմնած կուսակցությունները: Օրինակ՝ Անի Կարապետյանը հանրությանը հայտնի էր որպես Ռոբերտ Քոչարյանի աջակից, ապա «Որդիների կանչ» ՀԿ ակտիվիստ: Կարապետյանը ստեղծել է նաեւ կուսակցություն «Իմ պայքար, իմ հայրենիք» անվամբ:

Հիշեցնենք, որ դեռ 2023 թվականի սեպտեմբերի 19-ին նախաձեռնվել է քրեական վարույթ՝ Անի Կարապետյանի կողմից հրապարակայնորեն բռնության կոչեր հնչեցնելու դեպքի առթիվ:

«Կառավարության շենքի դիմաց տեղի ունեցող հավաքի վերաբերյալ «Անի Կարապետյան» անվամբ ֆեյսբուքյան օգտատիրոջ կողմից իր էջում գրառումներ էին կատարվել, որոնք ամերեւույթ պարունակում են բռնություն գործադրելու հրապարակային կոչեր: Մասնավորապես՝ հիշյալ անձն իր էջում գրել էր. «Ունեք է վերցնել կառավարության շենքը եւ ես մի քանի պետական նշանակություն ունեցող շենքեր, որից հետո իմանալ՝ սատկած Նիկոլը որտեղ է, գնալ սատկացնել նրան...»:

Նկատի ունենալով, որ վերոնշյալ գրառումներում ամերեւույթ առկա են հանցագործության հատկանիշներ՝ ՀՀ քննչական կոմիտեի Երեւան քաղաքի քննչական վարչությունում, ՀՀ քրեական օրենսգրքի 330-րդ հոդվածի 2-րդ մասի 3-րդ կետի հատկանիշներով, նախաձեռնվել էր քրեական վարույթ»,- ասված էր պաշտոնական հաղորդագրության մեջ:

ՀԵՐԹԱԿԱՆ ՆԻՍՏԸ

Կենտրոնական ընտրական հանձնաժողովը մարտի 19-ին գումարել է հերթական նիստ: Նիստի օրակարգում Երեւանի քաղաքապետի՝ մարտի 15-ին ԿԸՀ ուղարկած արձանագրությունն էր, որի համաձայն՝ Երեւանի ավագանու «Հանրային ծայն» խմբակցության անդամ Ամալյա Մարգարյանի լիազորությունները վաղաժամ դադարել են:

ԿԸՀ արձանագրությամբ՝ Երեւանի ավագանու անդամ է գրանցվել «Հանրային ծայն» կուսակցության համամասնական ցուցակի հերթական հաջորդ թեկնածու Գրիգոր Անդրանիկի Հարությունյանը:

ԱՎԱԶԱԿՈՒԹՅՈՒՆ

ԿՊՉՈՒՆ ԺԱՊԱՎԵՆՈՎ ԿԱՊԵԼ ԵՆ ՊԱՐԱԿԻՆ

Ավարտվել է «Վահագնի» ռեստորանային համալիրում սեղի ունեցած ավագակության դեղմի առթիվ նախաձեռնված ֆրեական վարույթի նախաճառարարությունը:

ՀՀ քննչական կոմիտեի Երեւան քաղաքի քննչական վարչության Աջափնյակ եւ Դավթաշեն վարչական շրջանների քննչական բաժնում իրականացված բազմակողմանի քննությամբ պարզվել է հիմնավորվել է, որ Գյումրի քաղաքի 29-ամյա բնակիչը, 2021թ. ընթացքում տարբեր կարգավիճակներում աշխատելով «Վահագնի» ռեստորանային համալիրում եւ տեղյակ լինելով ռեստորանում գումարների առկայության, դրանց պահպանման առնչվող հարցերին, իր ծանոթ 40 եւ 44-ամյա տղամարդկանց տեղեկություններ է տրամադրել այդ մասին, որոնք մտադրվել են հափշտակել դրանք:

Հանցավոր մտադրությունն իրականացնելու նպատակով 2023թ. օգոստոսի 5-ին՝ ժամը 04:00-ի սահմաններում, 29-ամյա երիտասարդն իր կողմից վարվող «Տոյոտա» մակնիշի ավտոմեքենայով հիշյալ տղամարդկանց տեղափոխել է նշված ռեստորանային համալիրի հարակից տարածք: Այնտեղ վերջիններս, հագնելով սեւ դիմակներ եւ սեւ հագուստներ, ապօրինի մուտք են գործել նշված ռեստորանային համալիրի սրահ, կաշուն ժապավենով կապել են որպես պահակ աշխատող անձին՝ զրկելով դիմադրելու հնարավորությունից, եւ ատրճանակով սպառնացել են վնաս պատճառել նրա առողջությանը, եթե շարժվի: Այնուհետեւ հիշյալ տղամարդիկ նույն ռեստորանային համալիրից հափշտակել են գումար, բջջային հեռախոս, գինիներ եւ այլ իրեր՝ պատճառելով առանձնապես խոշոր չափի՝ ընդհանուր 5.025.800 ՀՀ դրամի գույքային վնաս:

Հանցավոր գործողությունները կատարելուց հետո 29-ամյա երիտասարդը նշված ավտոմեքենայով տղամարդկանց տեղափոխել է դեպքի վայրից, որից հետո հափշտակված իրերը վերջիններս պահել են իրենց ծանոթ, Երեւանի 39-ամյա բնակիչին պատկանող, վերջիններիս բնակության վայր հանդիսացող տանը:

Քննությամբ պարզվել է նաեւ, որ 29-ամյա երիտասարդը, 44 եւ 40-ամյա տղամարդիկ ապօրինի ձեռք են բերել եւ պահել իրազեն հանդիսացող ատրճանակներ, ինքնաձիգ, տարբեր տրամաչափի փամփուշտներ, մարտական պայթուցիչ



եւ մարտական ձեռքի նռնակ, ինչպես նաեւ 44-ամյա տղամարդը ապօրինի ձեռք է բերել եւ պահել զգալի չափերի «Յեթրոն» տեսակի, 40-ամյա տղամարդը՝ խոշոր չափերի, իսկ 39-ամյա տղամարդը՝ զգալի չափերի «Մեթադոն» տեսակի թմրամիջոց, որոնք հայտնաբերվել են վերջիններիս բնակության վայրից:

Ձեռք բերված բավարար փաստերի հիման վրա՝ 29-ամյա երիտասարդին մեղադրանք է ներկայացվել՝ ՀՀ քրեական օրենսգրքի 46-252-րդ հոդվածի 3-րդ մասի 4-րդ կետով եւ 335-րդ հոդվածի 1-ին մասով, 44-ամյա տղամարդուն՝ ՀՀ քրեական օրենսգրքի 252-րդ հոդվածի 3-րդ

մասի 4-րդ կետով, 335-րդ հոդվածի 1-ին մասով եւ 396-րդ հոդվածի 1-ին մասով, 40-ամյա տղամարդուն՝ ՀՀ քրեական օրենսգրքի 252-րդ հոդվածի 3-րդ մասի 4-րդ կետով, 335-րդ հոդվածի 1-ին մասով եւ 396-րդ հոդվածի 2-րդ մասով, իսկ 39-ամյա տղամարդուն՝ ՀՀ քրեական օրենսգրքի 396-րդ հոդվածի 1-ին մասով: Մեղադրյալներից երեքի նկատմամբ որպես խափանման միջոց է ընտրվել կալանավորումը:

Նախաքննությունն ավարտվել է, քրեական վարույթի նյութերը՝ մեղադրական եզրակացությամբ, ուղարկվել են դատարան:

ԱՎՏՈՎԹԱՐ

ՔԱՂԱՔԱՑԻՆԵՐՆ ԵՆ ՕԳՆԵԼ

Մարտի 19-ին խոշոր ավտովթար է տեղի ունեցել Արմավիրի մարզում: Ժամը 12:30-ի սահմաններում Երեւան-Արմավիր ավտոճանապարհի Ծաղկունք գյուղի վարչական տարածքում բախվել են «Lexus» եւ «LADA Priora» մակնիշի ավտոմեքենաները:

Ինչպես դեպքի վայրից հայտնում է ֆոտոլրագրող Գագիկ Շամշյանը, վթարի հետեւանքով 4 հոգի տարբեր աստիճանի մարմնական վնասվածքներով տեղափոխվել են «Վաղարշապատ» բժշկական կենտրոն:

Վիրավորներին առաջինը օգնության են հասել քաղաքացիները, օպերատիվորեն ժամանած ՀՀ ներքին գործերի նախարարության փրկարար ծառայության Վաղարշապատի հրշեջ-փրկարարական ջոկատի փրկարարներն ու Վաղարշապատ բժշկական կենտրոնի շտապօգնության բժիշկների հերթապահ խումբն ու ՀՀ ՆԳՆ ոստիկանության պարեկային ծառայության Արմավիրի մարզի գումարտակի 1-ին վաշտի 2-րդ դասակի պարեկները՝ վաշտի հրամանատար Արսեն Բաղդասարյանի գլխավորությամբ: Բժիշկները վիրավորներին մինչեւ հիվանդանոց տեղափոխելը տեղում առաջին բուժօգնությունն են ցուցաբերել: Վիրավորներից 3-ը, ըստ բժիշկների, գտնվում են ծայրահեղ ծանր վիճակում: Դեպքի վայր են ժամանել ՀՀ ՆԳՆ ոստիկանության Արմավիրի մարզային վարչության պետ Արթուր Բոդյանը, վարչության պետի օպերատիվ գծով տեղակալ Հովհաննես Արիստակեսյանը, ոստիկանության Վաղարշապատի բաժնի պետ Արսեն Ոսկանյանն ու բաժնի պետի օպերատիվ գծով տեղակալ Գեորգ Միքայելյանը: Ժամանել են նաեւ ՀՀ ՆԳՆ ոստիկանության պարեկային ծառայության Արմավիրի մարզի գումարտակի 1-ին վաշտի 2-րդ դասակի պարեկները՝ գումարտակի հրամանատար Դարիբ Գրիգորյանի, գումարտակի հրամանատարի տեղակալ Հայկ Հակոբյանի, վաշտի հրամանատար Արսեն Բաղդասարյանի եւ դասակի հրամանատար Արա Պողոսյանի գլխավորությամբ: Պարեկների այսքան շատ ժամանման պատճառն այն էր, որ մինչ պարեկների ժամանումը հետաքրքրասեր քաղաքացիները ավտոմեքենաները կայանել էին, ու ստեղծվել էր արհեստական խցանում: պարեկների ժամանելուց վայրկյաններ անց երթեւեկությունը կարգավորվեց: Վթարի մասին ոստիկանության Վաղարշապատի բաժնից տեղեկությունը փոխանցել են Հայաստանի քննչական կոմիտեի Արմավիրի մարզային քննչական վարչության Վաղարշապատի քննչական բաժնի, որտեղից ժամանել է քննչական խումբը՝ վարչության պետ Հրաչ Դազարյանի, Վաղարշապատի քննչական բաժնի պետ Դավիթ Բարոյանի եւ օրվա պատասխանատու հերթապահ, հատկապես կարեւոր գործերով ավագ քննիչի գլխավորությամբ: Քննիչի հանձնարարականով ավտոմեքենաները տեղափոխվել են ոստիկանության Վաղարշապատի բաժնի պահպանվող հատուկ տարածք: Մինչ դեպքի վայրում աշխատում էր քննչական խումբը, հիվանդանոցից ահազանգ է ստացվել ոստիկանության Վաղարշապատի բաժնի, որ վիրավորներից 3 հոգի, գիտակցության չգալով, մահացել են: Վթարի փաստով Վաղարշապատի քննչական բաժնում նախաձեռնվել է քրեական վարույթ, որտեղ պարզվում է վարորդների, մահացածների եւ վիրավորների ինքնությունը:

ԿԵՆՏՐՈՆԻ ՀԱՄԱՅՆՔԱՊԵՏԱՐԱՆ

ԿԻՐԱՌԵԼ Է ՏՆԱՅԻՆ ԿԱԼԱՆՔ

ArmLur.am-ին հայցնի դարձավ, որ Հակակոռուպցիոն դասարանը բավարարել է փաստաբան Լիդարիս Սիմոնյանի միջնորդությունը եւ Կենտրոնի քաղաղեսարանի դաւսնոյաներից Ա. Հարությունյանի նկատմամբ կիրառել սնային կալանք ու 3 միլիոն դրամ գրավ:

Հիշեցնենք, որ իրավապահները կալանավորել են Երեւան քաղաքի Կենտրոն վարչական շրջանի ղեկավարի աշխատակազմի կոմունալ տնտեսության եւ բազմաբնակարան շենքերի կառավարման մարմինների հետ աշխատանքների կազմակերպման բաժնի պետ Տիգրան

Ռաֆիկի Մարտիրոսյանին, նույն բաժնի առաջատար մասնագետ Արման Նվերի Հարությունյանին:

Ըստ նախաքննական մարմնի պաշտոնական տեղեկության՝ վերջիններս նախնական համաձայնությամբ, խմբի կազմում, ունենալով տեղական ինքնակառավարման մարմնի անունից հանդես գալու լիազորություն, ինչպես նաեւ նույն մարմնի անունից իրավունք, պարտականություն կամ պատասխանատվություն առաջացնող գործառնություններ, հանդիսանալով պաշտոնատար անձինք, Երեւան քաղաքի Կենտրոն վարչական շրջանի՝ հրատապ լուծում պահանջող ընթացիկ աշխատանքներն իրականացնող «Ասֆալտ

Քոնսթրաքշն» ՍՊ ընկերության տնօրեն Կամո Գերասիմի Գեորգյանի նկատմամբ իրենց ծառայողական լիազորությունների իրականացման հետ կապված ընդհանուր բերեհաճ վերաբերմունքի համար 2023 թվականի հուլիսի 11-ին Երեւան քաղաքի Կենտրոն վարչական շրջանի աշխատակազմի վարչական շենքում Կամո Գեորգյանից ստացել են խոշոր չափերով՝ 1.000.000 (մեկ միլիոն) ՀՀ դրամ կաշառք-գումար, որը վերջինս անձամբ տվել է Տիգրան Մարտիրոսյանին, որը ստացված կաշառք-գումարից 150.000 դրամը հաջորդ օրը փոխանցել է Արման Հարությունյանին:

ՔՍՈՐ ՄԱՆՈՒԿՅԱՆ

● Ըստ ոստիկանության տվյալների՝ մարտի 18-ից մարտի 19-ը Հայաստանի Հանրապետության ՆԳՆ ոստիկանության ստորաբաժանումները բացահայտել են հանցագործության 131 դեպք:

ՀԱՍԱՐԱԿՈՒԹՅՈՒՆ

ՄԱՐԶ

ՊԱՏՃԱՌԸ ՊԱՐԶՈՒՄ ԵՆ

Նոյեմբերյան համայնքի սահմանա- մերձ, հեռավոր Բարեկամական գյու- ղում գյուղացիներին պատկանող բազ- մաթիվ խոզեր հիվանդանալով սատկել են: Գյուղացիները կասկածում են, որ անասունների անկման պատճառը խոզերի աֆրիկյան ժատախտ հիվան- ղությունն է: Մարտի 11-ին տեղեկատ- վական հարցում ենք ուղարկել Տավուշի մարզպետ Յայկ Ղալումյանին՝ նրան հարցնելով՝ ներկայումս Տավուշի մար- զի որ բնակավայրերում են խոզերի անկման դեպքեր, որ բնակավայրերում քանի խոզ է սատկել, անկման դեպքե- ռը աֆրիկյան ժատախտ, թե այլ հի- վանդության հետեանք են: Մարտի 18- ին Տավուշի մարզպետարանից ստաց- ված պատասխանում նշված է. «2024 թվականի հունվար ամսից Նոյեմբեր- յան համայնքի Կոթի եւ Բարեկամական բնակավայրերում արձանագրվել են խոզերի անկման դեպքեր: Սահմանված կարգով անկված կենդանիներից վերց- վել են փորձանմուշներ եւ ուղարկվել հանրապետական լաբորատորիա՝ անկ- ման պատճառները ուսումնասիրելու նպատակով: Անկված կենդանիների գլ- խաքանակները եւ սեռահասակային խմբերը ճշտվում են: Լրացուցիչ տեղե- կատվություն ստանալու համար կարող եք դիմել սննդամթերքի անվտանգու- թյան Տավուշի մարզային կենտրոն՝ եւ Նոյեմբերյանի համայնքապետարան»:

ԻՆՉԻ՞ ՄԱՍԻՆ ԶԱՍԱՑ

Մարտի 18-ին՝ Ոսկեպարի մշակույթի տանը Ոսկեպարի, Ոսկեվանի, Բաղա- նիսի բնակիչների հետ հանդիպման ժամանակ, վարչապետ Նիկոլ Փաշին- յանը հայտարարեց, որ ինքը անկեղծ է խոսում, ասաց, որ Ադրբեջանը պնդում է, որ իրեն հանձնեն Նախկինում ադր- բեջանաբնակ 4 գյուղերի տարածքնե- ռը, ադրբեջանական զինուժի օկու- պացիայի տակ է գտնվում Յայաստա- նի 31 գյուղերի տարածքներ, ադրբե- ջանցիներն իրենց ասում են, որ Յայաս- տանի վերահսկողության տակ գտնվող տարածքները գյուղերի բնակելի հատ- վածներ են, ադրբեջանական կողմը պնդում է, որ սկզբից հանձնվելն գյուղե- ռի բնակելի մասերի տարածքները: Իրականում ադրբեջանական զինուժի օկուպացիայի տակ ոչ թե 31, այլ առն- վազն 35 գյուղերի մեծ տարածքներ են գտնվում: Կառավարության կողմից հրապարակված այդ 31 գյուղերի ցանկի մեջ չկան Նոյեմբերյան համայնքի սահ- մանամերձ Բարեկամական, Կոթի, Դոլվեղ, Բերդավան գյուղերը, որոնց մեծ տարածքները շուրջ 30 տարի գտն- վում են ադրբեջանական օկուպացիայի տակ: Նիկոլ Փաշինյանը Ոսկեպարում չասաց, որ Տավուշի մարզի Նոյեմբեր- յան, Իջևան, Բերդ համայնքների բնա- կավայրերից մոտ 10 հազար հեկտար տարածք մոտ 30 գտարի գտնվում է Ադրբեջանի զինուժի վերահսկողու- թյան տակ. ինչո՞ւ ինքը պահանջ չի դնում հայ-ադրբեջանական սահմա- նագծումն ու սահմանազատումը սկսել այդ տարածքների դեօկուպացիայից, այլ ցանկանում է Ադրբեջանին հանձնել Նախկինում ադրբեջանաբնակ 4 գյուղե- ռի տարածքները:

ՈՍԿԻՆ ՄԱՐԶՅԱՆ Տավուշ

ԷԼԵԿՏՐՈՆԱՅԻՆ ԴԵՂԱՏՈՄՍԵՐ

ՀՈՒՋՈՂ ՀԱՐՑԵՐԻ ՊԱՏԱՄԽԱՆՆԵՐ

Հայաստանի Հանրապետության առող- ջադահության նախարարությունը հրատարակել է էլեկտրոնային դեղա- սոմների հետ կապված՝ հանրության կողմից ամենահաճախ հնչեցվող հար- ցերն ու մասնագետների դասասխան- անքը:

Առանձնացրել ենք դրանցից 5-ը. Արդյոք անձնական տվյալների գաղտնիությունը չի՞ խախտվում: Էլեկտրոնային դեղատոմսի ներդրման գործընթացում պացիենտների տվյալնե- ռը խստագույնս պաշտպանված են: Ոչ մի բժշկական գաղտնիք հասանելի չէ դեղա- տան աշխատակցին: Դեղագետը տես- նում է միայն դեղի անվանումն ու չափա- քանակը, գնորդի նույնականացման տվ- յալները. ցանկացած այլ բժշկական տե- ղեկատվություն, այդ թվում՝ ախտորոշու- մը, դեղատան աշխատակցի համար տե- սանելի չէ, քանի որ դեղատոմսում այդ- պիսի բաժին չկա:

Ալերգիայի դեպքում, երբ անձի ինք- նագագացողությունը կտրուկ վատանում է, ի՞նչ անի, եթե իր դեղն էլեկտրոնա- յին դեղատոմսով է ստանում:

Ալերգիայի սրացման դեպքում, երբ ան- ձի ինքագագացողությունը կտրուկ վատա- նում է, ցանկացած դեպքում անհրաժեշտ է զանգահարել շտապօգնություն, քանի որ դեղը պետք է ներարկվի բացառապես բժշկի կողմից, նրա հսկողությամբ: Ինչ վերաբերում է հակաալերգիկ՝ հակաիս- տամինային դեղերին, ապա դրանցից ոչ մեկը դեղատոմսով չէ:

Եթե պացիենտն ունի հորմոնակախ- յալ հիվանդություն եւ մշտապես ընդու- նում է, օրինակ, վահանաձեւ գեղձի հորմոն, դեղն ինչո՞ւ է դարձել էլեկտ- ռոնային դեղատոմսով:

Ցանկացած դեղ, անգամ եթե երկարա- ժամկետ ընդունման է, պահանջում է ժա- մանակ առ ժամանակ բժշկի խորհրդատ- վություն եւ հետազոտություններ, քանի որ երկարատեւ դեղ ընդունելու դեպքում կարող է առաջանալ թե՛ դեղը փոխելու, թե՛ դեղաչափի ճշգրտման անհրաժեշ- տություն:



Զկա մի դեղ, որը նշանակվում է միե- նույն դեղաչափով եւ առանց փոփոխու- թյան ամբողջ կյանքի ընթացքում: Ավելին՝ պացիենտը կարող է կյանքի ընթացքում ունենալ այլ հիվանդություններ, որոնց դեպքում կարող է վերանայվել նշանակ- ված դեղը եւ դեղաչափը: Կա երկարա- ժամկետ դեղատոմսի հնարավորություն, որը թույլ է տալիս դուրս գրել դեղ՝ 180 օր- վա համար, ինչի դեպքում ցանկալի է տարին առնվազն 2 անգամ բժշկի խորհրդատվություն, անհրաժեշտության դեպքում՝ նաեւ հետազոտություն: Էլեկտրոնային դեղատոմս լրացնելը չի՞ բարդացնում բժշկի աշխատանքը եւ ծանրաբեռնվածությունը: Էլեկտրոնային եղանակով դեղի դուրսգ- ռումը տեսում է 2-3 րոպե: Թղթային դեղա- տոմսը դուրս գրելը ոչ պակաս ժամանա- կատար է, ենթադրում է նաեւ մատյաննե- ռի լրացում: Յամակարգը նաեւ հնարավո-

րություն է տալիս բժշկին նույն պացիեն- տի համար հաջորդ այցի ժամանակ ավե- լի արագ եւ մի քանի հպումով դուրս գրել դեղատոմսը: Բացի այդ, թղթերի, մատ- յանների, ստորագրությունների, կնիքնե- ռի անհրաժեշտություն չի առաջանում, եւ պացիենտը բժշկի սենյակից ուղիղ դի- մում է դեղատոմսը:

Շտապօգնության բժիշկը կարո՞ղ է դուրս գրել էլեկտրոնային դեղատոմս:

Շտապօգնության բժիշկը որեւէ դեղ դուրս չի գրում, քանի որ տվյալ պահին ախտորոշում իրականացնելը եւ երկա- ռաժամկետ նշանակում անելը չի մտնում շտապօգնության բժշկի պարտականու- թյան մեջ: Նա տեղում գնահատում է պա- ցիենտի վիճակը. եթե վերահսկելի է, ցու- ցաբերում է անհրաժեշտ բուժօգնությու- նը կամ կազմակերպում է հոսպիտալա- ցումը համապատասխան բուժօգնու- թյան:

ԿՐԹՈՒԹՅՈՒՆ

ԲԱՐԵՓՈՒՄՆԵՐ ԵՆ ԸՆԹԱՆՈՒՄ

Հայաստանի Հանրապետության կր- թության, գիտության, մշակույթի եւ սպորտի նախարարի տեղակալ Արմեն Սվաջյանը ընդունել է ԵՄ կողմից ֆինանսավորվող «Արեւելյան գործըն- կերության սարածառջանում կրթա- կան բարեփոխումներ եւ հմտություն- ներ» ծրագրի փորձագետներին:

Ինչպես տեղեկանում ենք ԿԳՄՍ նա- խարարության տարածած հաղորդագ- րությունից, ծրագրի շրջանակում իրա- կանացվելու է հետազոտություն կրթա- կան տարբեր մակարդակներում համա- կարգի գնահատման եւ ոլորտում կարո- ղությունների զարգացման նպատակով:

Յանդիպմանը քննարկվել են կրթա- կան բարեփոխումների համատեքստում ԿԳՄՍ նախարարության առաջնահեր- թությունները, որոնք փորձագիտական խմբի հետազոտության եւ վերլուծության անհրաժեշտություն ունեն:

«Յայաստանում կրթական բոլոր մա- կարդակներում մեծածավալ բարեփո- խումներ են ընթանում, եւ անհրաժեշտ է քննարկել հնարավոր ուղղությունները, որոնք հետազոտության անհրաժեշտու- թյուն ունեն: Արդյունավետ կրթական համակարգ ունենալու առումով մենք կարելի է ասենք, որ միջազգային գործըն- կերների աջակցությունը»,- ասել է ԿԳՄՍ նախարարի տեղակալ Արաքսիա Սվաջյանը: Նախարարի տեղակալը հա- կիրճ ներկայացրել է կրթության համա- կարգում իրականացվող բարեփոխում- ների ընթացքը: Նրա խոսքով՝ նախարա- ղության կրթական համակարգում ներդրվել են կրթական նոր չափորոշիչը եւ մանկավարժական կարողությունների զարգացման նոր ծրագրերը: Փոխնա- խարարն ընդգծել է՝ այս տարվանից մեկ- նարկել է 33 բոլոր դպրոցներում հան- րակրթության նոր չափորոշիչի ներդր- ման գործընթացը:

«Մեզ համար կարեւոր իրադարձու- թյունն էր Տավուշի մարզում չափորոշի- չի փորձարկման արդյունքների գնահա- տումը Յամաշխարհային բանկի միջազ- գային փորձագետների կողմից: Անկախ գնահատումը ցույց է տվել, որ Տավուշ- ում կրթական արդյունքի 6 ամսվա դի- նամիկա ունենք՝ մյուս մարզերի համե- մատ: Սա մեզ համար շատ հաջողված ցուցանիշ է»,- ասել է ԿԳՄՍ փոխնախա- րարը:

Ըստ Արաքսիա Սվաջյանի՝ չափորոշի- չի հիմնական նպատակը դպրոցներում կրթության որակի բարձրացումն է, եւ այս ուղղությամբ մի շարք գործընթաց- ներ են իրականացվել, մասնավորապես՝ ներդրվել է ուսուցիչների կարողություն- ների զարգացման նոր համակարգ, վե- րանայվել է դպրոցների կառավարման մեխանիզմը՝ ուսուցման բովանդակային կառավարումն առանձնացնելով վար- չատնտեսական մասի կառավարումից:

● Անցած 1 օրվա ընթացքում հանրապետությունում արձանագրվել է ճանապարհատրանսպորտա- յին 11 պատահար. 14 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԼՈՒՐԵՐ

ԱՐԳՅՈՒՆՔԻ ՉԵՆ ՀԱՄԱՐՄԻՍ

Արցախի ժողովրդի կարիքների ապահովման նախաձեռնությունը (շուրջ 40 կազմակերպություն) մարտի 20-ին՝ 15:30-ին, Երևան քաղաքի Ազատության հրապարակում կազմակերպելու է հանրահավաք, որի նպատակն է հիմնովին վերանայել ՀՀ կառավարության կողմից քննարկվող Արցախի ժողովրդի բնակարանային կարիքների ապահովման ծրագրի նախագիծը, որը չի արտացոլում արցախցիների հավաքական շահերն ու նպատակները: Արցախի հավաքական վերադարձի հարցը գերակա համարելով՝ հանրահավաքի ժամանակ քննարկվելու է բարձրաձայնվելու է Արցախի ժողովրդի լայն շրջանակների առաջարկներն ու պահանջները թե՛ վերադարձի ել թե՛ բնակարանային ու սոցիալական այլ ծրագրերի վերաբերյալ: Հանրահավաքի կազմակերպիչները կոչ են անում հայ ժողովրդի ու Նրա արցախյան հատվածի ճակատագրով ու իրավունքների պաշտպանությամբ մտահոգ մարդկանց մասնակցելու հանրահավաքին: ArmLur.am-ը հասկանալու համար՝ ինչ տրամադրվածություն է արցախահայության շրջանում, գրուցել է մի քանի բռնի տեղահանված անձանց հետ, լսել նրանց կարծիքները հանրահավաքից սպասվող արդյունքների վերաբերյալ: Բռնի տեղահանված անձանց մի մասը հիասթափված է, ասում են. «Մեր ծայրը լսելի չէ ՀՀ իշխանության համար»: Արցախից բռնի տեղահանված 67-ամյա Ա.Ա.-ն ասաց. «Ինչ Երևանում եմ, քանի հանրահավաք է եղել, մասնակցել եմ, որպեսզի իմ հարցերի պատասխանները ես ստանամ, բայց անարդյունք: Պայքարում ենք, պայքարում ենք, արդյունքի չենք հասնում: Իշխանությունը անում է այն, ինչ ինքն է ցանկանում՝ առանց հաշվի առնելու քաղաքացուն: Հանրահավաքներից հիասթափված եմ. մարդիկ անտարբեր են երկրում ստեղծված իրավիճակով կամ էլ արդեն պայքարելուց թեւաթափ են եղել»:

ՓԼՈՒԶՎԵԼ Է

Մարտի 19-ին՝ ժամը 12-ի սահմաններում, թաց ձյան ծանրությունից փլուզվել է Գեղարքունիքի մարզի Ճամբարակ համայնքի Տիգրան Պետրոսյան փողոցի առանձնատներից մեկի տանիքը եւ առաստաղը՝ 25 քառակուսի մետր մակերեսով: Ինչպես տեղեկացրեց Ճամբարակ համայնքի ղեկավարի առաջին տեղակալ Ռոբերտ Օհանյանը, այդ բնակարանում էր բնակվում միայնակ տարեց կին՝ 1932 թվականին ծնված Մ.Ղ.-ն: Ստացված ահազանգից հետո ղեկավարված ՎԳՆ ՓՇ մարզային փրկարարական վարչության հրշեջ-փրկարարական ջոկատից երկու մարտական հաշվարկ: Պարզվել է, որ մասամբ փլուզվել է տան տանիքը եւ առաստաղը. տուժածներ չկան: Փրկարարները փլուզված տան պատուհանից պատգարակով անվնաս դուրս են բերել Մ. Ղ.-ին եւ սահմանազատել տարածքը: «Բարեբախտաբար, տարեց կինը չի տուժել փլուզումից, նրան ժամանակավորապես իր մոտ բնակության է տեղափոխել հարազատներից մեկը», - ներկայացրեց Ռոբերտ Օհանյանը:

ՀԱՆՐԱԶԱՎԱՔ

ԱՐԺԱՆԱՊԱՏԻՎ ՀԱՆԳՐՎԱՆԻ ՀԱՄԱՐ

Արցախի ժողովրդի կարիքների ապահովման նախաձեռնությունը մարտի 20-ին՝ 15:30-ին, Երևան քաղաքի Ազատության հրապարակում կազմակերպելու է հանրահավաք, որի նպատակն է հիմնովին վերանայել ՀՀ կառավարության կողմից քննարկվող Արցախի ժողովրդի բնակարանային կարիքների ապահովման ծրագրի նախագիծը, որը չի արտացոլում արցախցիների հավաքական շահերն ու նպատակները:

Հանրահավաքի վերաբերյալ առավել մանրամասնություններ իմանալու համար ArmLur.am-ը կապ է հաստատել ԱՀ ԱԺ «Արդարություն» խմբակցության ղեկավար Դավիթ Գալստյանի հետ: «Այն պարտավորվածությունները, որ վերցրել է իր վրա «Արցախը Հայաստանն է եւ վերջ» կարգախոսի հեղինակը, այսօր արցախցիներին ՀՀ քաղաքացի չի համարում եւ մշակում է սոցիալական այնպիսի աջակցություններ, որոնք ավելի շուտ նպաստում են արցախցիների արտագաղթին: Հաշվի առնելով այն, որ արցախցիները չեն ուզում արտագաղթել եւ դեմ են այս իշխանությունների կողմից մշակված սոցիալական ծրագրերին՝ կազմակերպել ենք հանրահավաք, որտեղ հանրայնորեն կքննարկվեն ստեղծված խնդիրները: Մշակված ծրագրերը մեզ թույլ են տալիս մտածելու, որ այս իշխանությունները միտումնավոր չեն համագործակցում Արցախի պետական ինստիտուտների հետ եւ չեն ընդունում մեր առաջարկները: Նրանք այսօր ուզում են փակել Արցախի հարցը», - ասաց Արցախի պատգամավոր Դավիթ Գալստյանը եւ հավելեց, որ Նիկոլ Փաշինյանի ջրաղացին ջուր չեն լցնելու, այլ անտելու են ամենը իրենց ծայրը լսելի դարձնելու համար: Դավիթ Գալստյանի խոսքով՝ ՀՀ այս իշխանությունները արցախցիների պայքարը կարող են համարել նաեւ ներքաղաքական ինչ-որ իշխանության պայքար, սակայն, նրա խոսքով, պայքարը ոչ իշխանության համար է, այլ արժանապատիվ հանգրվանի: «Մենք իշխանության պայքար չենք մղում: Մեր նպատակն է, որ արցախցիները պայմաններ ունենան մնալ մայր Հայաստանում եւ բաց պահեն Արցախի հարցը: Այլապես առաջարկվող պայմանները արտագաղթի ճանապարհն են ցույց տալիս, իսկ արտագաղթելուց հետո ինքնըստինքյան կփակվի նաեւ Արցախի եւ Արցախի վերադառնալու հարցը», - ասաց Գալստյանը: Անդրադառնալով բռնի տեղահանված արցախցիների հնարավոր ետվերադարձին՝ նա նշեց. «Ցավոք սրտի, այսօր վերադարձի վերաբերյալ ՀՀ իշխանությունների կողմից քայլեր չի ձեռնարկվում, փորձ չի արվում հարցը բերել բանակցային սեղան: Բռնի տեղահանված արցախցիների ետվերադարձման հարցը պիտի դրվի բանակցային սեղանին, եւ համապատասխան լուծում տրվի: Արցախի կառավարությունը, Վարդան Ոսկանյանի գլխավորությամբ, միջազգային աստիճաններում հնարավորության չափով քայլեր է ձեռնարկում, որպեսզի կազմակերպվի արցախցիների ետվերադարձը: Ցավոք սրտի, այսօր չունենք ՀՀ իշխանությունների աջակցությունը, բայց շատ դժվարորեն սայլը տեղից շարժվում է: Հույսով ենք՝ բանակցություններով կհասնենք ցանկալի արդյունքի», - ասաց Դավիթ Գալստյանը:



տո ինքնըստինքյան կփակվի նաեւ Արցախի եւ Արցախի վերադառնալու հարցը», - ասաց Գալստյանը: Անդրադառնալով բռնի տեղահանված արցախցիների հնարավոր ետվերադարձին՝ նա նշեց. «Ցավոք սրտի, այսօր վերադարձի վերաբերյալ ՀՀ իշխանությունների կողմից քայլեր չի ձեռնարկվում, փորձ չի արվում հարցը բերել բանակցային սեղան: Բռնի տեղահանված արցախցիների ետվերադարձման հարցը պիտի դրվի բանակցային սեղանին, եւ համապատասխան լուծում տրվի: Արցախի կառավարությունը, Վարդան Ոսկանյանի գլխավորությամբ, միջազգային աստիճաններում հնարավորության չափով քայլեր է ձեռնարկում, որպեսզի կազմակերպվի արցախցիների ետվերադարձը: Ցավոք սրտի, այսօր չունենք ՀՀ իշխանությունների աջակցությունը, բայց շատ դժվարորեն սայլը տեղից շարժվում է: Հույսով ենք՝ բանակցություններով կհասնենք ցանկալի արդյունքի», - ասաց Դավիթ Գալստյանը:

Արդյոք համագործակցում են Արցախի Հանրապետության եւ Հայաստանի Հանրապետության կառավարությունները: ԱՀ ԱԺ պատգամավոր Դավիթ Գալստյանը ասաց. «Երբեմն Արցախի եւ Հայաստանի կառավարության միջեւ նման սառը, ոչ համագործակցային հարաբերություններ չեն եղել: Արցախի պետական ինստիտուտները բազմաթիվ հայտարարություններով, տարբեր ճանապարհներով փորձել են հանդիպումներ կազմակերպել՝ քննարկելու ստեղծված իրավիճակը եւ մի ընդհանուր լուծում գտնելու, սակայն, ցավոք սրտի, ՀՀ իշխանությունները, վախենալով Ադրբեյջանից, մասնավորապես՝ Նիկոլ Փաշինյանը, ահուսարսափ ունենալով Ալիևից, նման որեւէ տիպի հանդիպման չեն արձագանքել: Հենց այս վերաբերմունքն է, որ խնդիրը հասցրել է այն աստիճանի, որ այսօր մենք հրապարակայնորեն ենք քննարկելու մեր խնդիրները»:

ՆԱՆԿ ԱՐԱՍՅԱՆ

ՆԱԽԿԻՆ ՄԻՊ

ԿՈՊԻՏ ՄԻԱՎՆԵՐՈՎ ՔԱՂԱՔԱԿԱՆՈՒԹՅՈՒՆ

ՀՀ նախկին ՄԻՊ Արման Թաթոյանը գրում է. «Ցավուշում սեղի ունեցող որեւէ առնչություն չունի ղեկավարած սահմանի ղեկիմիսացիայի կամ դեմարկացիայի հետ»:

Սա անօրինական, միջազգային կանոններին հակասող գործընթաց է՝ մեր իրավունքների զանգվածային խախտումների եւ խաթարված անվտանգության հեռանկարով: Ադրբեյջանն էլ այդքանով կանգ չի առնելու: Ցավուշի համայնքների հարեանությունը հայտնվելու են ադրբեյջանական զինված ծառայողներ, որը բերելու է համայնքների մեկուսացման, միջպետական ճանապարհի տարբեր հատվածներ դառնալու եւ անօգտագործելի ու վտանգված, իսկ, այսպես կոչված, այլընտրանքային ճանապարհները չեն

լրացնելու բացը: Վտանգվելու է հատկապես Ցավուշով հայ-վրացական սահմանային հարողակցությունը: Բազմավարական օբյեկտներ (գազատարներ, ջրային ռեսուրսներ եւ այլն) հայտնվելու են ադրբեյջանական թիրախի կամ վերահսկողության ներքո: Լինելու են նոր տեղահանվածներ, մարդիկ գրկվելու են ազատ ու անվտանգ տեղաշարժվելու, ընտանիքի եկամուտը վաստակելու հնարավորությունից, անօգտագործելի են դառնալու արտաքայրեր, խոտհարքներ ու վարելահողեր, այգիներ, խաթարված է լինելու մարդկանց արժանապատվությունն ու հոգեկան անդորրը: Այսինքն՝ տեղի է ունենալու այն, ինչ առկա է Սյունիքում, Վայոց ձորում ու Գեղարքունիքում՝ անվտանգության ընդգծված ռազմավարական խնդիրներով: Էլ

չեն խոսում համայնքների հարեանությունը պարբերական դարձած ադրբեյջանական կրակոցների ու ականների պայթյունների մասին: 2020թ. նոյեմբերից սկսած՝ բոլոր հնարավոր եղանակներով անընդհատ սատել են, որ անվտանգությունը չի կարելի առանձնացնել մարդուց, որ մարդու իրավունքները պետք է դրվեն Հայաստանի դիվանագիտության, բոլոր միջազգային հարթակներում քննարկումների հիմքում: Սա կօգնի ամրապնդել Հայաստանի միջազգային պաշտպանությունը, այդ թվում՝ պետական սահմանները պաշտպանելով: Ներկայում տեղի ունեցող արդյունք է կոպիտ սխալներով քաղաքականության, որը միայն ուժեղացրել է ու շարունակում է ուժեղացնել Ադրբեյջանին եւ թուլացրել Հայաստանի դիրքերը»:

«ժողովուրդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՇԱԿՈՒՅԹ

«ՕՍԿԱՐ»

ԱՄԵՆԱՐԵՂԻՆԱԿԱՎՈՐ ՄՐՑԱՆԱԿԱԲԱՆՇԽՈՒԹՅԱՆ ՌԵԿՈՐԴՆԵՐԸ

Կինոախարհի ամենահեղինակավոր «Օսկար»-ի մրցանակաբաժնությունը, որը սահմանվել է ամերիկյան կինոակադեմիայի կողմից, առաջին անգամ կայացել է 1929 թվականի մայիսի 16-ին Լոս Անջելեսի հոլիվուդյան «Ռուզվելտ օթել»-ում:



15 րոպե տևած մրցանակաբաժնությանը մասնակցել է 250 հոգի, որոնք տոն են ձեռք բերել՝ 5-ական դուլար վճարելով: Արարողության հանդիսավարն է եղել այն ժամանակ ամենամեծահասակ ամերիկացի դերասաններից Դուգլաս Ֆերբենքը: Առաջին մրցանակաբաժնության ժամանակ տրվող մրցանակները «Օսկար» չեն կոչվել, այլ «Պատվավոր հիշատակում»:

«Լավագույն ֆիլմ» անվանակարգում առաջին «Օսկար»-ին արժանացել է «Թեյեր» համր ֆիլմը, որը նկարահանվել է 1927 թվականին և ընդգրկված է Ամերիկյան ֆիլմերի ազգային ռեեստրում: Այսօր «Օսկար» մրցանակաբաժնության ընթացքում մրցանակ է տրվում հիմնական 24 անվանակարգերում, ինչպես նաև հատուկ մրցանակներ՝ «Օկար բացառիկ նվաճումների համար» և «Զին Յերջուլի անվան մրցանակ» անվանակարգերում:

ԱՐՇԱԼՈՒՅՍ ՉԻՖԼԻԿՅԱՆ

ՑՈՒՑԱՐԱՆԻՄՈՎ ԿՆԵՐԿԱՅԱՑՎԵՆ ԱՇԽԱՏԱՆՔՆԵՐԸ

Հայաստանի նկարիչների միությունը, արժանապատիվ բեմանկարիչ, ՀԽՍՀ վասակավոր նկարիչ Մուրադյան Չիֆլիկյանի թողած նշանակալից ժառանգությունը, ցուցահանդեսով կենդանապատկերների ցուցադրմանը պատրաստվում է:

ժիշկներ, դերասաններ, գիտնականներ, հասարակական գործիչներ և այլք: Ռա մեծ ազդեցություն է թողել նրա վրա: Ընդունվել է «Գեղարդ» նկարչական ուսումնարան, որտեղ դասավանդում էին հայ կերպարվեստի ճանաչված անունները՝ Սեդրակ Առաքելյանը, Ստեփան Աղաջանյանը, Գաբրիել Գյուրջյանը, թատերական նկարչության գծով՝ Ստեփան Թարյանը: 1936 թվականին ավարտել է ԵԳԱՏ-ը: 1953 թվականին Հրաչյա Ղափլանյանը նրան հրավիրում է Երևան՝ Պատանի հանդիսատեսի թատրոն՝ ձեռնարկելու Գրիգոր Յաղջյանի «Ոսկի քաղաքը» պիեսի ներկայացումը: 1938-1953 թվականներին եղել է Սցենիկ պետական թատրոնի, 1953-1956 թվականներին՝ Երեանի պատանի հանդիսատեսի կինոթատրոնի բեմանկարիչ, 1956-1974 թվականներին՝ նկարիչ-բեմադրող հայկական հեռուստատուրիայում: Ձեռնարկվել է Գաբրիել Սուևոլուկյանի «Խաթաբալա», Շիլլերի «Ավագակներ», Գրիգոր Յաղջյանի «Ոսկի քաղաք», Գայդարի «ՌՅԽ», Նար-Ղոսի «Ես եմ նա», Ալեքսանդր Արաքսմանյանի

«Մերոպ Մաշտոց», Բ. Սուևոլուկյանի «Երկու գող» բեմադրությունները, «Սայաթ-Նովա» ֆիլմը: Արշալույս Չիֆլիկյանը նաև տիկնիկային ներկայացումների ձեռնարկումներ է իրականացրել: Ստեղծել է բնապատկերներ, դիմանկարներ, թեմատիկ պատկերներ: Չիֆլիկյանը կարծում էր, որ նկարիչը պետք է լիակատար ազատություն ունենա, ինչի համար անհրաժեշտ է տիրապետել իմացաբանությանը (գնոսեոլոգիա), գեղագիտությանը (էսթետիկա) և բարոյագիտությանը (էթիկա): Չիֆլիկյանն իր ստեղծագործական մեթոդը հետևյալ կերպ է ձեռնարկել. «Յուրաքանչյուր գույնի մեջ կան երանգներ, որոնք արտահայտում են տարբեր տրամադրություններ՝ ուրախություն, տխրություն, կարոտ, սեր: Նկարիչը միշտ պետք է հետեւի գույնի ընտրությանը տարբեր թեմաներ արձարծելիս: Ռա այն է, ինչին են ձգտում են»:

ՄԱՐԶԱԿԱՆ

ՀԵՏԱՔՐՔՐՎԱԾ ԵՆ

Հայաստանի ֆուտբոլի ազգային թիմի կիսապաշտպան Էդուարդ Սպերցյանի ծառայություններով հետաքրքրված է իսպանական «Ժիրոնա»-ն: Այս մասին գրում են ռուսական ԶԼՄ-ները: Ըստ պարբերականների՝ իսպանական ակումբը հետեւում է հայ կիսապաշտպանի ելույթներին, եւ հնարավոր է, որ Սպերցյանն արդեն գալիք ամռանը կտեղափոխվի իսպանական ակումբ: Ավելի վաղ լուրեր կային, որ Սպերցյանի ծառայություններով հետաքրքրված է իտալական «Յուվենտուս»-ը:

ԿՄԱՄՆԱԿՑԵՆ 5 ՄԱՐԶԻԿՈՎ

Հայ ծանրորդները Թաիլանդում կայանալիք աշխարհի գավաթի հերթական փուլին կմասնակցեն 5 մարզիկով: Թաիլանդում կայանալիք վարկանիշային աշխարհի գավաթի խաղարկությանը կմասնակցեն Անդրանիկ Կարապետյանը, Սամվել Գասպարյանը, Գարիկ Կարապետյանը, Սիմոն Մարտիրոսյանն ու Վարազդատ Լալայանը: Հայաստանը Փարիզի օլիմպիական խաղերին կմասնակցի 3 ծանրորդով, որոնց անունները դեռևս հայտնի չեն: Փարիզի 33-րդ ամառային Օլիմպիական խաղերը կկայանան 2024 թվականի հուլիսի 26-ից օգոստոսի 11-ը: Խաղերի բացման արարողությունը կլինի բացառիկ, քանի որ առաջին անգամ է, որ այն անցկացվելու է ոչ թե մարզադաշտում, այլ Ֆրանսիայի սրտում՝ Սեն գետի երկայնքով: Փարիզը Լոնդոնից հետո երկրորդ քաղաքն է, որը երրորդ անգամ է հյուրընկալում Օլիմպիական խաղերը (1900, 1924, 2024): 33-րդ ամառային Օլիմպիական խաղերի բացման արարողությունը խորհրդանշական օր է, քանի որ 1924 թվականին խաղերի փակման արարողությունը կայացել է այդ օրը:

ՌԻՇԵՂ ՄՐՑԱԿԻՑՆԵՐ ԵՆ

Հայաստանի ֆուտբոլի ազգային թիմի կիսապաշտպան Հովհաննես Հարությունյանի կարծիքով՝ Կոստվոն և Չեխիան ուժեղ մրցակիցներն են, եւ նրանց դեմ խաղը ցույց կտա ընտրանու ուժեղ և թույլ կողմերը: «Ամեն խաղի մեջք պայքարում ենք հաղթանակի համար, ու ես կարծում եմ, որ կարող ենք դուրս գալ Ազգերի լիգայի մեր խմբից: Եվ մենք ամեն ինչ փորձելու ենք անել, որ կարողանանք դուրս գալ», -լրագրողների հետ հանդիպման ժամանակ ասաց Հարությունյանը: Վերջինիս խոսքով՝ Կոստվոն և Չեխիան ուժեղ մրցակիցներ են: «Մարզիչներն են ընտրել ուժեղ մրցակիցներ, որպեսզի խաղալով ուժեղ մրցակիցների դեմ՝ կարողանան տեսնել մեր թե՛ ուժեղ, թե՛ թույլ կողմերը: Մեզ համար չկա ընկերական խաղ. պետք է փորձենք հաղթել երկու խաղում էլ», -ասաց նա: Հայաստանի ֆուտբոլի ազգային թիմը մարտի 22-ին Երեւանում կընդունի Կոստվոյի հավաքականին, իսկ մարտի 26-ին արտագնա մրցախաղ կունենա Չեխիայի հետ:

●Մարտի 30-ին Երեւանի պատանի հանդիսատեսի թատրոնում տեղի կունենա «Սիդը» ներկայացումը: Տոմսերի արժեքը՝ 1000-3000 դրամ: Սկիզբը՝ ժամը 19:00-ին:



ՀԱՍԱՐԱԿՈՒԹՅՈՒՆ

ՀԱՐՑ. Խնդրում եմ ասել՝ ինչպե՞ս է որոշվում բնակելի տարածության անհատույց օգտագործման իրավունքի դասական կարգով դադարեցման դեղին սեփականատերի կողմից վճարվող փոխհատուցման չափը:

Անաստաս Միքայելյան (43 տարեկան)



ՊԱՏԱՍԽԱՆ. Քաղաքացու հարցին ի պատասխան՝ տեղեկացնում ենք, որ փոխհատուցման չափը մեկ ամսվա համար սահմանվում է իրավունքի դադարեցման պահին տվյալ բնակելի տարածության համար կիրառելի վարձավճարի չափից՝ հաշվարկված հետեւյալ կերպ. յուրաքանչյուր բնակության իրավունք գրանցած անձի համար՝ բնակելի մակերեսի չափը բնակելի տարածության անհատույց օգտագործման իրավունք ունեցող անձանց եւ սեփականատերերի ընդհանուր թվի վրա բաժանելու միջոցով ստացված մակերեսը, սակայն ոչ պակաս 5 քառակուսի մետրից եւ ոչ ավելի, քան 9 քառակուսի մետրը: Փոխհատուցումը հաշվարկվում է երեք տարվա համար եւ տրամադրվում է միանգամից, եթե կողմերի համաձայնությամբ այլ բան նախատեսված չէ: (Հայաստանի Հանրապետության քաղաքացիական օրենսգրքի 225-րդ հոդված):

Կարաստրի կոմիտե

«ԺՈՂՈՎՈՒՐԳ». Գրավ դրված բնակելի տան կամ բնակարանի վրա բռնագանձում տարածելուց եւ այդ գույքն իրացնելուց հետո գրավատուն ու բնակելի տարածության օգտագործման իրավունք ունեցող անձինք տան (բնակարանի) սեփականատիրոջ պահանջով պարտավոր են ոչ ուշ, քան մեկ ամսվա ընթացքում ազատել զբաղեցրած բնակելի տարածությունը:

Էջը՝ ՄԱՌԻԱՍ ԴԱՆԻԵԼՅԱՆԻ

ԿՎՐԳ

ՀԱՐՑ. Խնդրում եմ ասել՝ ավտոտրանսպորտի բյուրոն ո՞ր դեղին է հասուցում սուժած անձանց ռասճառված վնասները:

Արամ Հարությունյան (39 տարեկան)



ՊԱՏԱՍԽԱՆ. Ռ. Հարությունյանի հարցին ի պատասխան՝ տեղեկացնում ենք, որ բյուրոն Երաշխավորման ֆոնդի միջոցների հաշվին հասուցում է տուժած անձանց պատճառված վնասները, եթե՝

- վնաս պատճառած ավտոտրանսպորտային միջոցը կամ դրա վերաբերյալ ԱՊՊԱ պայմանագիր կնքելու պարտականություն ունեցող անձն անհայտ է: Այս դեպքում Բյուրոն Երաշխավորման ֆոնդի միջոցների հաշվին հասուցում է միայն տուժած անձանց պատճառված անձնական վնասները:
- Վնասը պատճառվել է այն ավտոտրանսպորտային միջոցի օգտագործմամբ, որի վերաբերյալ կնքված չէ ԱՊՊԱ պայմանագիր:
- Վնասը պատճառվել է հափշտակված կամ առանց հափշտակության նպատակի ապօրինաբար տիրացած ավտոտրանսպորտային միջոցի օգտագործմամբ:
- Վնաս պատճառած ավտոտրանսպորտային միջոցի վերաբերյալ ԱՊՊԱ պայմանագիր կնքած ապահովագրական ընկերությունը ճանաչվել է անվճարունակ (սնանկ), եթե նա, օրենքի համաձայն, պարտավոր էր հատուցել պատճառված վնասը:

Հայաստանի ավտոապահովագրողների բյուրո

«ԺՈՂՈՎՈՒՐԳ». Նշենք, որ Երաշխավորման ֆոնդը գոյանում է Բյուրոյի անդամների կողմից կատարվող միանվագ, պարբերական եւ լրացուցիչ վճարներից, օրենքով սահմանված այլ ձեւերով ներդրված միջոցներից, ինչպես նաեւ այն ակտիվներից, որոնցում ներդրվել են դրանք, եւ դրանց կառավարման արդյունքում ստացված եկամուտներից: Երաշխավորման ֆոնդի միջոցները սեփականության իրավունքով պատկանում են Բյուրոյին: Դրանք կարող են օգտագործվել բացառապես Երաշխավորման ֆոնդի համար օրենքով սահմանված նպատակներով եւ դեպքերում:

ԼՈՒՐ ԿԱԴՐ

Լուսանկարը՝ համացանցից



Թռչունը բույն է հյուսել մեքենայի ապակու վրա. հավանաբար վարորդը շատ երկար է կայանել նույն վայրում:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
 Ազգանուն՝ _____
 Առաքման հասցե՝ _____
 Բջջային եւ/կամ քաղաքային հեռախոս՝ _____

Հեռ.՝ (060) 490049
 0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	-4 - 7 +4 + 9	Արարատ	-4 - 7 +11 + 13
Կոտայքի լեռներ	-8 - 10 +5 + 8	Արմավիր	-4 - 8 +10 + 13
Կոտայքի նախալեռներ	-5 - 8 +10 + 13	Վայոց ձորի լեռներ	-3 - 7 +3 + 6
Գեղարքունիք	-8 - 13 +3 + 6	Վայոց ձորի նախալեռներ	-3 - 7 +10 + 13
Լոռի	-6 - 10 +8 + 10	Սյունիքի հովիտներ	-4 - 7 +11 + 14
Տավուշ	-4 - 7 +8 + 11	Սյունիքի նախալեռներ	-9 - 13 +7 + 10
Արագածոտնի լեռներ	-8 - 12 +3 + 6	ԼՂՀ	-9 - 10 +7 + 10
Արագածոտնի նախալեռներ	-5 - 7 +8 + 11	Երեւան	2 - 4 +9 + 13

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
 Հասցեն՝ ք. Երեւան, Աբովյան 22^ա/3, հեռ.՝ 010 54-64-23
 Պետական գրանցման վկայականի համարը՝ 03U089086
 տրված է 24.11.2010
 Ստորագրված է տպագրության 19.3.2024

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
 Խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: